


Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.272/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.272/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.272/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL. 2.3.272/4

M V S AE
GENIALES

MVSÆ GENIALES

Eminentissimi, & Reuerendissimi Principis

VOLVMNII CARD.

BANDINELLI

PATRIARCHÆ CONSTANTINOPOLITANI

NEC NON

SS. D. N. IN PROVINCIA ROMANDIÆ

DE LATERE LEGATI

TRIUMPHVM DECANTANTES.



CÆSENÆ, Ex Typographia Nerij. MDCLXI.
Superiorum permissu.



Eminentiss. & Reuerendiss. Principi
VOLVMNIO S. R. E.

CARDINALI BANDINELLO

Patriarchæ Constantinopolitano,

Nec non

SS. D. N. ALEXANDRI VII.

In Provincia Romandia

DE LATERE LEGATO

VIGILANTISSIMO


D. ISIDORVS MORATINVS FEL



*Am diu (Eminentissime Princeps)
animo volutabam, quod nostræ er-
ga Te obseruantie monumentum, tuæ
benignitati haud ingratum, meæ quo-
quæ tenuitati non impar, erigere po-
tuissem: Id enim tua in nostram
Congregationem beneuolentia, & in
me*

me contestata beneficentia summopere postulabant. Non
in:ucundum fore putavi Poëticis tua gloriosa facinora
modulaminibus illustrare, & heroicis Musarum cantio-
nibus, phrygio veluti opere exornare, ne, quæ æterna di-
gna recordatione censeantur, temporis oblitteraret edacitas:
sunt enim tutius Heroum facta nobilibus consignata Car-
minibus, quam parijs intexta calaturis, nam versus
utranq; Mundi plagam peruagantur longè latèq; rerum
famam ubiquè laturi; cum lapides immobili quadam in-
statione permanentes unius tantum regionis faciem, po-
puliq; figuram, defixa ostentatione aspiciant. Sunt igitur
verè carmina Principe digna, quæ nec Imperatoria
dignitas, nec Ducum Triumphus despexere. Hinc Ma-
gnus ille Macedonum Rex, & Orbis uniuersi terror Ale-
xander, felicem apellasse Achillem, refertur, eo quod
Homericis carminibus meruissent illius gesta celebrari. Et
alter Philosophiæ Princeps Plato, facultatem, quæ mores
componendi leges statuit, in Poëtarum sententijs funda-
menta iecisse asseuerat. Illud autem non me fugit, ocu-
latissimo Musarum Apollini, mei intellectus tenebras ape-
rire; quandoquidem, & si scientiarum ferè omnium no-
titiam ingenio tuo familiarem esse certè sciam, illam ta-
men carminum Tibi præcipuè congenitam edita opera te-
stantur Veruntamen insulsam Poësim intra Regales tuæ
comitatus aditus Te admissurum tua (Eminentissime
Princeps) Clementia certiore me fecit, ut potè gnarus
diffi-

difficultatum, quas in poematibus fingendis experitur ingenium, errorum neuos audenti condonare non recusabis. Excipe igitur (Amplissime litteratorum Mecænas) ea qua facilitate fluunt Carmina, haud minus de sua exilitate, quam de tua liberalitate secura, ut quæ intellectus mei caligo obtenebrat, tuæ dignitatis nitidissimus fulgor irradiet. Innumera in tuarum laudum præconijs erumpenti Musæ, siue longa Generis series, Proauumquæ valor; seu ingens tui pectoris ardor, quem magnis implicitus negotijs, forti robore ostendisti, suggerere videntur: Verum, ne tuam lederet modestiam, & canitie maiestatem alieno rubore notaret, vocem coercuit, & freno veluti quodam impetum furentis oestri repressit, pauca tantum datura, quæ nec laudationis modum excedunt, nec laudati aures offendunt. Adde, quod, cum permagni plausus signa, vniuersa hæc Romandiæ Prouincia, Te iura daturo, depromere non cessasset; publicis ut gaudijs arrideret stylum acuit, optimi Principis aduentum celebratura. Eo maxime, Cænobij nostri, in ipso tuæ legationis limine, honoris gratia, inuisere non dedignatus, ut prodiga quadam dispensatione, nobis munificentie donaria elargirere. Spero equidem (Eminentissime Princeps) à Te minime dedititij animi pignus contemnendum, quod potius ad benefacta rependenda, quam ad vota promerenda direxi.





Eminentissimo, & Reuerendissimo

PRINCIPI

VOLVMNIO

CARDINALI BANDINELLO.



Vminibus legi festiuæ vt gaudia pompæ,
(Magne Heros) Famæ quæ cecinere
tubæ;

Gliscit Hiantæas mens sollicitare puellas,
Atq; nouos merita texere laude modos
Multa quidem infomnis septus caligine noctis,
Audaci curæ suggerit ingenium.
Plurima iudicium mentis perturbat imago,
Perquè lares animi plurima turba volat.
Calliope fer opem, dixi; da carmina Vati,
Dulciloqua audentis dirige verba Chely.

A

En

En confusa manent temeraria plectra loquelæ;
 Tantalus in medijs cœu sitit alter aquis.
 Musa preces blanda cird combibit aure rogantis,
 Et mæsto Vati talia voce refert:
 Tanta ne te ingenuæ rapuit fiducia mentis,
 Principis vt celsi facta ciere pures?
 Buccina vix magni laudes inflata Maronis,
 Mæonidæue furor prouehit eximias.
 Quid tenui Heroas tentas numerare cieta,
 Romuleis auctum tum Genus imperijs?
 Aptius in paruis scrobibus Maria alta recondes;
 In modica & melius mole Giganta dabis.
 Aude cuncta tamen; cupidis Fortuna secunda est,
 Sæpius audenti sufficit eloquium.
 Adde, quod Herois veneranda modestia crescit,
 Despiciat haud laudem sit minor illa licet.
 Principis ipforum sunt æmula corda Deorum,
 Quos votiua Nurus sepè tabella premit.
 Incipe Pierios plectro recludere fontes,
 Iam tua in auxilium Calliopea ruit.
 Vocibus his vires auxi, repulq; timorem,
 Sustinuiq; noui facta referre Patris.
 Ne temnas Heros, deuoti pignora cordis,
 Exigua en magnum mole fatiscit opus.

POE-

POESIS.

Romulea nuper Phœbus qui fulsit in Aula,
 Iam, Cæsena, tuas rutilo pede proterit oras;
 Præfulis illustrans aduentu culmina Mauri,
 Monticolæ cupidus miracula visere Matris.
 Gaude, terra ferax, quam nobile nectar lacchi
 Ditat, & alma Ceres, Pomonaq; frugibus aureis.
 Quod latius fleuit senior Tiberinus arenis,
 Deferuit dominam cum *Bandinellius* Urbem,
 Tu fruire, inuideat quamuis tua gaudia Tybris.
 Lata Cohors Dryadum placidis immixta Napæis,
 Festiuas ducant per florida rura Choreas.
 Huc Heliconiadum properant simul Agmina, cantu;
 Carminibusq; nouis *Volumni* nomina iactent.
 Quin Deus aurato pellit, qui pectine chordas,
 Dirigat audaces tunsa tetudine voces.
 Tractat hic *Astrea* lances, & Iudicis enssem,
 Ut *Numa*; non illum veterum prudentia vincat.
 Moribus ut facilis; tamen haud grauitate *Catonis*
 Triste supercilium imperterritus inuidet Heros,
 Plectere si iubeant leges malè facta Reorum.
 Fascibus insignis seriem despectat Auorum,
 Quos meriti splendor sacri deuexit ad Arcem
 Imperij, geminum nutu quod temperat orbem.
 Dinumerat Trabeas, titulosq; Ducesque, Tiaras,

4
Innumerosq; Patres, laudatæ gloria stirpis.
Suspirat iam Sena suum gemebunda Clientem,
Sena parit superi quæ sceptrâ Vicaria Regis.
Haud minus Arnus ubi florentem interfecat Urbem,
Sustinet, & dorso varij curuamina Pontis,
Altorem Magni fluuiali murmure Ephebi
Fleuit, & Amnis aquas mæstus conclusit in urnis.
Moribus instructus Magnus crescebat Alumnus
Hoc duce; Maiestas, pietasquæ in mente tenella
Gliscebant Pueri, prima surgente iuuenta.
Dicta profunda Sophum prudentis ab ubere fuxit
Columni: superasset Auos licet ipse futurus,
Tertius Hetruscæ *Cosmus* Regnator arenæ.
Fixerat in Iuuenis Clementia pectore sedem,
Quam facundo *Bandinellus* ore ferebat.
Decoquere edocuit flagrantès corda fauillas,
Mitius vt valeat rigidos componere vultus,
Quos furor, & rabies, Generisq; superbia menti
Suggest, vt primum Princeps pubescit in æuum.
Quam iuuet exemplo populos, totamq; Cohortem
Instruere, indictæ pariter se subdere legi.
Principis acta suæ sunt nam regula gentis.
Religio quantum Regali in fronte renidet.
Hæc monita Altoris iuuenilia corda bibebant
Medicæ sobolis, Tusci spes vnica Regni.
Haud aliter Chiron mentem direxit Achillis,
Semi-

Semina virtutum tenera sub mente recondens ;
Seu spumantis equi doceat frænare lupatum ;
Sive ferire manu, iaculumq; vibrare volucre ;
Vel penetrare feras, per inane volante sagitta ;
Belligeros aut posse animi simulare furores ,
Eloquioq; feros Martis sedare tumultus :
Talia fama viris aperit diffusa per orbem ,
Perq; vias omnes Solis fit Nuntia veri .
Fortè super ripas Rubiconis fessa sedebat
Virginibus comitata suis ; clangore tubarum ,
Numina cuncta vocat latos dispersa per agros .
Ille inquam Rubicon, noxæ qui conscius olim
Cæsaris, exitium cognatis intulit armis .
Aure tonum postquam strepitantis Virginis hausit ,
Lætitiæ causam cupienti quæritat ore .
Fama refert : Rubicon memorandæ gloria dextræ ,
Ne mirere tuis clangor si perstrepat undis ,
Iam noua voluntur reuocatis tempora sæclis ,
Excitat extinctos cum *Bandinella* Triumphos
Gens, & *Volumni* virtus sua præmia tollit .
Christiadum Rector trinum cui Romula sertum
Regna parant, huius nomen miratus, & actus ,
Purpureos inter Patres, sacrosquæ Quirites
Annumerat, Romæ toto plaudente Senatu .
Huc veniens tandem Populis solatia præbet ,
Principis haud partes, Patris at mage nomina iactans.

Audijt vt Numen velatus arundine crines,
 Rorantem dextro mulcebat pollice barbam,
 Atq; auidus roseo Famæ pendebat ab ore.
 Mox ait, ò Virgo, nullius ne scia facti,
 Dic age gesta Patris; primasq; edisere causas,
 Cur & Alexander meriti cui lumina solum
 Arrident, citius *Volumnum* ad sydera vexit.
 Rettulit illa: prius totum Arbiter Æthera lucis
 Alitibus peraget, quam cuncta reuoluere possim
 Acta viri, Generisq; orrus; tibi pauca recludam.

Cum Dea Romulidum hausisset mea dicta fidei
 Peruulgata tuba, inuictò sub corde coëgit
 Omnia, & Herois succensa exarsit amore.
 Tecta Quirinalis tetigit, sacrosq; Penates,
 Qua Pater Ausonidum cum Maiestate sedebat,
 Aurea purpureo contrectans sceptrà lacerto:
 Alme Parens, inquit, nostræ quem cura remordet
 Urbis; si exoptas veteres reuirescere dotes,
 Olim prisca tulit quas Mundo Turba Quirini,
 Scilicet vt redeant Fabij, doctiq; Catones,
 Tullius in Tyrio facundus splendeat ostro,
 Musarumq; cliens peperit quem florida Manto,
 Ne inuideam rediuiua meos, te Principe, Ciues,
 Qui post fata etiam vixere, superstitè fama:
 Celsa fouet dignum Florentia pignus honore;
 Inuicti est generis, præcelsi & Stemmatiss hæres,
 Medit-

7

Mediceæ Sobolis Custos, ritusq; Magister,
 Gloria Senarum, veræ Virtutis Alumnus,
 Quem tibi amicitijs olim concordia morum
 Iunxit, & ingenij sociavit foedere proles.
 Quale decus nostræ, Pater optime, cesserit Vrbi,
 Illustret propria Sanctum si luce Senatum,
 Fulgeat, & sacro Regalis sanguis in ostro,
 Mira ferens documenta viris, Gentiq; togatæ,
 Moribus exemplum præbens, Aulæq; leuamen!
 Ipse & Alexandros iactat *Volumnius* Heros,
 Quos Vaticanis dedit Arcibus inclyta Proles.
Bandinella, virum nulli virtute secunda.
 Fregit Alexander lacerantes Tercius artus
 Religionis, & inconcesso schismate Petri,
 Tergemino supremæ inhiantes Sedis honori,
 Emeritæ tu ergo Sobolis da surgere Nomen;
 Pontificis magni felix obliuia terge
 Succellor, dignus tanti tum Nominis heres,
 Septimus inter Alexandros si Regna gubernas
 Romulidum, sed laude prior superabis Auitum
 Splendorem, famamq; tuam super Æthera tolles.
 Cecropidum dotes, latiq; in mente coercet
 Dogmata *Volumnus*, cunctas & Palladis artes;
 Quodue Solon docuit, quod Bartolus addidit equis
 Legibus, & miro vulgavit Codice Baldus.
 Fonte nouem sacro quod potauere sorores,

A 4

Quid-

Quidquid & umbriferi docuere Theatra Lycei,
 Vnde Stagira vagæ promebat dogmata linguae.
 Paret Alexander dictis, quæ Roma loquela
 Protulit ambrosia: acciri iubet ocyus vnum
 Heroi qui iussa ferat, qua Principis Arces
 Medicei surgunt; vbi *Bandinella* virtus
 Explicuit mentem sublimi laude capacem.
 Mæstitiæ nubes Cosmi perstringit ocellos,
 Illius vt Rector Tusci excedere Regnis
 Decreuit, promptus summo, & parere Parenti.
 Nec tua, Ferdinande, minus præcordia mærorum
 Sollicitat, simul amissum flet Curia Patrem.
 Conscia sicq; suum Florentia planxit Achatem
 Floraq; suffudit merentia lumina lymphis,
 Despexitquæ vagos disperso crine colores.
 Arnus at insolito quatiens sua Tecta fragore,
 Mille trahit madidus largo suspiria fletu,
 Contemplatus Equi *Volumnum* terga prementem:
 Perge, ait, o felix Hetruscæ gloria Gentis.
 Vaticanus apex solitus iam cedere stirpi
 Sceptra tuæ, eximios tibi præparat Urbis honores.
 I, nunc exuias Tyrio saturare veneno;
 Curre, & Alexandros altis successibus auge:
 Dixit, & ora regens vastis se se occulit vndis.
 Audiit armipotens venientem vt Roma Clientem,
 Obuiat huic subito sublimia ad Atria ducens,
 Qua

9
Qua Patris ora Thronus gemmarum luce laceffit,
Iuraq; Romuleis dat legifer vndè Cateruis,
Supplicibus Populis Crucis & donaria confert.
Pontificis vultus spectabilis Hospes adorat
Pronus, & infigit venerandis oscula plantis.
Porrigit Antistes dextræ sed dona iacenti,
Atquè Palatinæ mox illum præficit Aulæ.
Mutua solantur consortia corda loquentum;
Hospitis atq; ingens rapuit Prudentia mentem
Patris, & illius sub pectore dicta recondit.

Iusserat interea contexere Roma Puellas
Carbaseum famulas cunctis mirabilem amictum.
Virgineus tenui diuisit acu, arte magistra
Cætus opus, structis medio subtegmine telis.
Fingitur hic studio pretiosa lacinia dextræ,
Quæ per multa trahens meditata foramina filum,
Exprimit, ingenio rectore, Insignia Gentis,
Bandinella dedit quam stirps per sæcula multa,
Progenies hominum titulis, armisque superba,
Quam toga, quam pietas, animi, & Clementia vexit.
Innumeros Equites niueo pars margine limbi
Finxerat, alma quibus Victoria tempora lauro
Vinxit, vt hostiles ferro strauere Phalanges.
Hic & Alexander folio delatus eburno
Tertius, innumeris scintillat cinctus Alumnis,
Ad cuius Diadema pedes posuere Rebelles,

Dis

ro

Diffona turbarat quorum discordia pacem,
Schismate dum cupiunt verum subvertere Patrem.
Illa triumphalis cælat solemnia pompæ,
Cum Vaticanas victor remeavit ad Arces
Hoste triumphato, notus iam Pastor ouilis.
Te quoquæ Dædalea, *Volumni*, sculpserat arte
Turba puellaris, quem pignora trina sequuntur,
Ingenium, & niueos mores imitantia Patris.
Mox pinxisset acus radiantem murice frontem,
Lineus at candor Sarranum respuit ostrum.
Qua potuit, sed parte manus tibi signa Galeri
Aptat, & exuias ingenti firmate ducit.
Pars quoq; tergemino decorat tua stemmata ferto,
Supremi, nec vana reor, præfagia Regni,
Quæ longæua Themis cecinit, quæ Tuscus Aruspex;
Quæ Dodoneæ quercus prompsere columbæ.

Venit ut alma dies totum celebranda per orbem,
Christi adum Domino placuit qua prodere Genti
Pectoris innocui sensus, Sanctumquæ Senatum
Illustrare viris meritorum fidere claris.
Auroræ roseos maturat Cynthus ortus,
Impatiensquæ moræ rapidæ dat lora quadrigæ,
Tybridis, ut festis faueat splendore corusco,
Aëris umbrifera flammarum nube fugata
Verbere, ut exhilaret latantem lampade Mundum.
Pontificis Proceres Palatia celsa frequentant.

Qua-

Quadrijugis inuecta rotis Gens cuncta Galero
 Insignita rubro, Mundi, fideique columna,
 Tecta Quirinalis scandit, stipata Cateruis.
 Tunc Pater Orbis Atlas, triplicem qui sustinet Axem,
 Cardineis addit *Volumni* Nomina fastis.
 Sic Vaticana fulges, o Præsul, in Aula,
 Murice præcinctus Princeps, ostroque decorus.
 Bosphorus Eöge dederat tibi munera Mitrae,
 Dum Patriarcha subis primos Orientis honores.
 Quanta feres Populis Vrbs quos Byzantia nutrit
 Dogmata barbaricis, blandæ si mella loquelæ
 Sugere, siue tuos mores spectare daretur!
 Tempus erit cum Sancta Fides vulgata per Orbem,
 Threijcij tandem contundet colla Tyranni,
 Grexque ad ouile redens Mahometis dicta refellet.
 Hæc Roma; & Tyrio mox obrulit illita succo
 Vellera, multiplici fulcata & carbasa ruga.
 Sic & Alexandri candentem dextera frontem
 Murice contexit, sacri ornamenta Senatus.
 Protinus innumera reboant per compita voces:
 Aenea terrifico feriunt tormenta boatu
 Sydera; Tempa melos implet dulcedine summi
 Numinis, ut vocum Cætus discrimina soluit.
 Nocte sub obscura stellas funalia vincunt,
 Irradianque Domos imitantes fulgura flammæ,
 Quas vibrat arte volans vastum per inane Cometes.
 Vrbs

Vrbs accensa facis nimio splendore coruscat,
 Turribus inque altis ardens fax astra figurat.
 Euomit accensos radio crepitante vapores
 Machina, missilibusque tubis super euolat Axem,
 Deciduoque ruens flammaram depluit imbre.
 Omnia dum culto Rubiconi rettulit ore
 Fama, Cohors hominum iam cernitur eminus ingēs,
 Diua, Senex, inquit, venientibus omnia pande,
 Ut iustæ Domino laudis præconia soluant.
 Dixit, & omniuagas extemplo concutit alas
 Virgineis sociata Choris; Rubiconis arenas
 Deserit, atque nouis desert sua gaudia terris.
 Cominus ut vidit Sapin, Senamque vetustum,
 Nympharumque manum, quæ tramite Flumina toto
 Prosequitur, Senior Turbæ sic obuius, inquit:
 Salue, Progenies magnorum pulchra Deorum,
 Syluicolæ seu Semidei; seu Numina aquarum,
 Quis regere æternas Neptunus contulit vndas,
 Æmiliæque solum blando exhilarare fluento.
 Mille tubis iactat super Æthera Fama Parentem,
 Qui regit Imperio nostras nunc legifer Vrbes,
 Ut nouet excurrentes sæclum meliore metallo.
 Ferte pedes, pulsate soli simul equora, Nymphæ,
 Principis & merita dotes celebrate Camæna.
 Quidquid in irriguis concrescere cernitis hortis;
 Quidquid & in nostræ pubescit margine ripæ,
 Quid-

Quidquid alit vitreis in lymphis Turba natantum,
 Seligat officiosa Cohors, sint debita nostro
 Munera Reſtori, totum cui obtemperat Agmen.
 Dum Studioſa Phalanx Rubiconis iuſſa facellit;
 Nobilior cunctis, vulgus quam nominat Ægle,
 Dulciſona cantus ſoluit modulamina voce:

Plaudite Heroi comites Puellæ:

Verberet campos pedibus tenellis,

Præſulis Nomen geminetquæ iunctim,

Agmen amicum.

Ille Romano radians in oſtro,

Iam Comas Phœbi ſuperat nitore

Moris, & prudens animo, Catonis

Pectus obumbrat.

Tybridis cedant veteres Alumni,

Quot quot & docti numerant Achiui;

Non hic inuidit Ciceronis aureæ

Flumina linguæ.

Prole ditarunt thalami pudici

Coniugis celfæ genus vt ſuperbum,

Principis noſtri cecinere Hetruſci

Talia Vates:

Creſcite excelsi Pueri, parantur

Sceptra nam vobis Proauum potentum,

Quos iubar traxit meriti, ad ſuprema

Regna Quirini.

Tem-

Ergo

Tempus en tandem reuoluta vexit
 Orbita audacis Phaëtonis, vnde
 Imperat virtus retulitque primos
 Orbis honores.
 Ecce *Volumnus* redimitus ostro,
 Inter augusti Proceres Senatus
 Iam sedet, nostras, sapiens & oras
 Lege coerceat.
 Ter caput cinget gemina corona,
 Pastor ut sacri pecudes ouilis
 Diriget dextra reprimens Auerni
 Ora potenti.
 Non amor fului maculat metalli
 Pectus Herois, pelagi nec apta
 Concha thesauris, timor adest Olympi
 Corda remordet.
 Damna non Ciues timeant bonorum;
 Spem viro haud ponat viduata Coniux;
 Iura cernentur sine fraude cunctis
 Nemine spreto.
 Pax solum late peragrabit omne;
 Prædo nec pingues populabit agros;
 Martis hic sauos reprimet furores
 Vindice dextra.
 Ergo

Ergo Nympharum Cunei fauete
 Vocibus lætis, fidibusquē gratis :
 Numina vndarum Domino supremo

Munera ferte.

Finierat : sylvarum cum glomerantur Alumnae,
 Prata vago postquam spoliarunt germine iunctim ;
 Sicut Apes, Hyblę per florida rura vagantes,
 Narcissi hic lacrimas ; illic dumeta rosarum
 Ore legunt, dulci fabricant & nectare cellas.
 Haud aliter tenero decerpserat vngue Caterua
 Veris opes Dryadum munus latura Parenti
 Qui nouus Æmilię Legatus Regna gubernat
 Ite, senex inquit Rubicon, date iusta Tributi
 Dona Viro, placidę flectant sibi colla Napeę.
 Cęsarıs ò vtinam nostri superire Triumphos,
 Sit potis, exuperans felici culmina rupis
 Omne Tarpeię, cuncta iam gente subacta.
 Nestoreos annos vincat tardante senecta,
 Incolumnisquē dies inuictō robore ducat ;
 Sic ait, & vitreis caput occultauit in vndis.



SOL

SOL BANDINELLVS.

Epigramma I.

Qui regit Æmiliæ legis nouus arbiter Vrbes,
 Ipse tuum vincit, Phœbe superbe, iubar.
 Sydereum vestis rutilis splendoribus Axem;
 Hic meriti immenso spargit in orbe faces.
 Flammigera totam fœcundas lampade terram;
 Mentis at hic hominum pectora dicat ope.
 Exhilaras tu corda vijs spatiatu Olympi;
 Virtutum hic Heros lumine corda beat.
 Tu potis es nitido dispergere nubila crine,
 Mæstitiæ nubes Præfulis ora fugant.
 Tu fulgore facis gemino commercia Mundo;
 Hic pacis copulat fœdere corda virum.
 Tu sine telluris discrimine Regna gubernas;
 Hic sancti populos munere Iuris alit.
 At caput ipse licet radiorum cyclade cingas,
 Attamen Ecclipsis subderis imperijs:
 Nomina dum tanta Volummi luce coruscant,
 Haud vmbra poterit gloria nube tegi.

IRIS.

IRIS.

17

Epigramma 2.

Explicat innumeros Thaumantias ore colores,
 Cum superi tandem detumet ira Patris.
 Fœderis hinc index Iris, Pacisque sequestræ
 Creditur, vt vultu versicolore nitet.
 En noua miratur nostris in finibus Iris,
 Quam *Bandinelli* progenuere Duces.
 Belligeri si stemma quatit monumenta furoris,
 Mens pacata tamen Martia signa fugat.
 Pacem corda, reor; produnt insignia bellum;
 Mitis vt innocuis; præparet arma reis.



B

ATLAS.

18
A T L A S.

Epigramma 3.

Immanes humeros grauibus cum flexit Olympi
Ponderibus, superum limina rexit Atlas.
Cardineus validæ supponens robora mentis
Imperijs Heros, pondera nulla timet.
Portitor æthereus, pressus grauitate Polorum,
Viribus Herculeis aggerat ipse suas.
Bandinellus Atlas Alcidis respuit artus,
Qui nec tergemini despicit Orbis onus.



CA.

C A T O.

19

Epigramma 4.

Q Væ metuenda Cato Genti præcepta togatæ
 Contulit, innocui sunt monumenta viri.
 Moribus, eloquio, dextra, virtute triumphat,
 Æternumquè solo fama Catonis ouat.
*V*olumni dotes Tybris speculatus, & actus,
 Exclamat stupidus: redde trophea, Cato.
 Moribus, omnigenisquè Heros virtutibus auctus,
 Dat faciles vultus: ipse feuerus eras..



B 2

NV-

N V M A.

Epigramma 5.

Relligione Numa innumeras sub lege coëgit
Gentes; perdomuit, sic pietate viros.

Volumnus populos *Astree* examine frenat;
Blanditur meritis; at scelus ense luit.

Gaudeat ergo solum, Saturni Regna recurrunt,
Dum meliore fluunt sæcla nouata Numa.



HER-

HERCVLES.

Epigramma 6.

Sternere monstra fuit victricis gloria dextræ
Herculis, & Diti diripuisse Canem.
Foedere discordes animos at iungere plus est,
Irarumquæ truces perdomuisse faces.
Has ferit in niueo dotes *Volumnus* agello
Pectoris, vt placido mulceat ore viros.
Astra sed ille subit delusa fraude Nouerçæ,
Inter sydereas emicat atquæ faces.
Credula Fama file : veterum mendacia pone :
Astra dat haud robur, sed pietatis opus.



B 3

MA-

Epigramma 7.

M Artis Alexander subiecit Regna furore ;
 Angustusq; animo circulus Orbis erat .
 Addidit huic Magni virtutis adorca nomen ,
 Victori vitam, nec rapuere rogi .
 Vicit Alexander, quem *Bandinellia* Proles
 Gignit, Pellæi pectora magna Ducis.
 Insidias foedi strauit nam Schismatis, ense
 Christiadum, & solus sedit in Vrbe Pater .
 Sic hostes domuit, geminumquè coërcuit Orbem ;
 Maximus hinc valli septrifer Orbis erat .



23
De duobus Alexandris Septimo scilicet, & Tertio
Pontificibus Max.

Epigramma 8.

Rexit Alexander latias cum Tertius Arces,
Restituit Petri diruta vela Rati.

Septimus ast alter *Volumnum* prouehit ostro,
Exinctum, factis, vt renouaret Auum.

Magna dedit primus, fert at maiora secundus,
Pro Petri doctus reddere Puppe vices.



B 4

Ma-

24
Magni Hetruriae Principis Heroi BANDINELLO
cura demandatur.

Epigramma 9.

HAuriat vt primæ Magnus documenta iuventæ
Hæres, *Volumni* iussa verenda subit.
Mens auget senium, Iuuenis dum membra virescunt,
Tutius vt sensus, quàm sua Regna premat.
Sic pietas, probitasq; simul dominantur Ephebo,
Regiaquè enutrit Gratia corda triplex.
Rectoris, videas, fuerit Prudentia qualis,
Principis ingenium sit docuisse satis.



Ad

*Ad Romanam Curiam à Summo Pontifice
accius magnis ibidem honoribus,
& oneribus afficitur.*

Epigramma 10.

DEsertit ut Charitum Colles : Arniq; beatas
Delicias Heros, Romula Testa terit.
Præbet adoratis, supplex vix oscula plantis,
Volumini, & tota fulget in Vrbe iubar.
Nam meriti paribus cumulatur honoribus ardor,
Credita magnanimo suntquæ secreta viro.
Munera magna decent animum omni mole capacem,
Cui graue, nec pondus, ponderis instar erit.



By

Epigramma II.

THreijcius qua regnat Herus;qua Marte Tyrannus
 Barbarus incestat littora Christiadam,
Bandinelle, pio redimis Diademate frontem,
 Perfidus ipse licet Thrax populetur opes.
 Tu Patriarcha vices sumis Pastoris IESV,
 Cuius in ardenti nomina corde geris.
 Sæcla tamen venient, paucis labentibus annis,
 Cum ferus oppressum linquet ouile Lupus.
 Ismarus & patrium tandem deprensus amorem,
 Patris ad eloquium mox pius hostis erit.



Sacro

Sacro Purpuratorum Senatui adscribitur.

Epigramma 12.

Splendet in Aufonio Sol *Bandinellius* ostro,
 Romulidis meriti dum munimenta refert.
 Crinales capitis cernis radiare pruinas,
 Et dare purpureis lilia mixta rosis.
 Pectoris hæc candor virtutum lilia fouit,
 Quæ Vaticanas progenuere rofas.
 Vna Parens Orbis miracula Roma recondit;
 Fer Romæ meriti lilia: sume rofas.
 Sume rofas ergo, *Volumni*, dona *Galeri*;
 En, mirum, veris gaudia gignit hyems.
 Gignit hyems tibi nempè rofas, vergente senectâ;
 Virtutis senio sic reuirescit Honor.



Lega-

*Legationis in Provincia Romandiae
munere fungitur.*

Epigramma 13.

Qua Maris undifonos fluctus turrita Rauena
Adspicit, Æmiliæ Pentapolimquè regit;
Sustinet Imperij docilis Clementia fasces
Volumni, & blandis legibus ora ligat.
Tam benè inoffenso torquens examine lances
Dextera, Iustitiæ credimus esse manum.
Principis hinc populus sic iussa facessere gaudens,
Sub iuga liberius viuere posse putat.



De

29

*De eximia eiusdem Principis solitudine in
profligandis Grassatorum Cateruis.*

Epigramma 14.

Artibus Autolyçi anfractus Turba viarum
Occupat, obductas vt populetur opes.
Namq; peregrinis insultat Gentibus, audax,
Ceu Lupus innocuas cum sequeretur oues.
Non tulit hæc Princeps, totis nam viribus hostes
Disiicit, & pœnis, supplicijsquè petit.
Non iuuat externas Prædoni quærere terras;
It Patris ingenium quo nequit ire manus.



Idem

Epigramma 15.

T Vrba giganteas iactans erratica vires,
Per iuga, perq; vagas apparat ire vias.
Fraude laborantis Penetrare euertit Agrestis,
Constringitque truci compede sæpè viros.
Talibus occurrit vis *Bandinellia* damnis.
Grassantesque pia corripit arte viros.
Hostibus insidias valido nam corde tetendit,
Hinc rapiens, rapitur retibus ipse suis.






CORONÆ

Eminentiss. & Reuerendiss. Principi

VOLVMNIO BANDINELLO

CONTEXTÆ.



Ieridum, Dryadumquè Chorus, vt ali-
quod beneficentissimi animi proderet
tibi (Eminentissime Princeps) argu-
mentum, hanc ex tuis virtutibus con-
sertam Coronam offert. Hoc tuæ im-
mortalitatis sit perpetuum monumentum, semperq;
tuum Augustissimum Nomen in hominum memoria
vigeat, tequè euehat ad solium, in quo debito iure
tergemino seruo merita tempora coronentur.

CO-

CORONA I.

Ingenuum pectus mitis Clementia adornat;
 Magni dos Regis, fertur, & esse prior.
 Hanc lux punicei sub muricis occulit ostro
Bandinella, viris qua dare iura valet.
 Texite Sicelides Divæ huic præconia laudum,
 Illius & niueis nectite ferta comis.
 Fama, per immensas Herois Nomina terras
 Euehe; sit merces Orbis & imperium.

CORONA II.

Fama per immensas *Volumni* Nomina terras
 Euehe, sit merces Orbis & imperium.
 Haud impar humeris onus, imperet vndiq; Pastor,
 Quam facile hic regeret Pastor ouile Dei.
 Sit pius, & sapiens Orbis qui torquet habenas;
 Maius at est animum flectere posse suum.

CO-

CORONA III.

Sit pius, & Sapiens Orbis qui torquet habenas,
 Maius at est animum flectere posse suum.
 Discordes sensus concordi foedere Rector
 Iungere sollicit; se prius ipse regat.
 Æstuat irarum flammis; hinc corda voluptas
 Allicit; hinc odium libera corda ligat.
 Omnia componat, recta ratione Magistra,
 Mox sedeat Princeps aurea sceptrum tenens.
 Sic renuat seruire sibi cum prona libido
 Imperat; hic Rex est, qui sua corda domat.

CORONA IV.

Sic renuat seruire sibi cum prona libido
 Imperat; hic Rex est, qui sua corda domat.
 Hinc *Volumnus* ouat sedatae mentis in aula,
 Dum regnat Dominus, noscat ut esse Pater.
 Nunc blandus monet; hunc ferret mox fronte minaci,
 Intentans poenas, ora proterua ferit.
 Qualis *Apis* iactans dulcedine mellis, acumen;
 Munere sic Princeps, & regit ense viros.

C

CO-

CORONA OV

Q Valis Apis iactans dulcedine mellis, acumen
 Munere sic Princeps, & regit ense viros.
 Nam proprijs opibus virtutis munerat actus,
 Supplicijs contrà persequiturquè nefas.
 Astrea sic iura iubent; sic candor honesti,
 O Præful felix! aurea sæcla novat.

CORONA VI

A Strea sic iura iubent; sic candor honesti;
 O Præful felix! aurea sæcla novat.
 Hinc *Bandinellus* tensa rubigine ferri,
 Legibus innocuis ferrea sæcla fugat.
 Nam virtutis amor stimulat lacerare nocentes;
 Nec iustas, ipso iudice, querit opes.
 Munera Iustitiæ nequeunt fraudare tenorem;
 Cum vacuas Iudex præcipit ire manus.

CORONA VII.

MYnera, Iustitia nequeunt fraudare tenorem,
 Cum vacuas Iudex præcipit ire manus.
 Hoc *Kolumbus* habet; cuius contagia turbant
 Cor nec avaritia; nec premit æris amor.
 Dives de censu desertos nutrit egenos;
 Pauperis hinc verè dicitur esse Pater.
 Sic Regis omnis, quod pietatis opus

CORONA VIII.

Divite de censu desertos nutrit egenos;
 Pauperis hinc verè dicitur esse Pater.
 Namq; inopis fortes Heros miseratus iniquas,
 Oppressis nunquam denegat auxilium.
 Sic afflicta Nurus proprio viduata Marito
 Lite gravis, nescit tristitia damna fori.
 Protegit orbatos pueros, tristesq; puellas;
 Ex patria illorum mentis tuetur opes.
 Principe sub tanto quis non traducere lucas
 Ambiat? est inter vivere delicias.

CORONAR IX

P Rinceps sub tanto quis non traducere lucces
 Ambiat, est inter vivere delicias.
 Haud iuga fere Populus, quando mens conscia recti
 Dirigit, & pacis corda Regentis amor.
 Non odia accendit, nec quidquid adornat Enyo;
 Aequalisque magis se putat esse suis.
 Nil sibi, cuncta alijs Princeps ignoscere debet;
 Sit Rectoris onus, quod pietatis opus.

CORONA X.

N Il sibi, cuncta alijs Princeps ignoscere debet;
 Sit Rectoris onus, quod pietatis opus.
 Impia corda gerens moderaminis ausa relinquat,
 Non Pater, aut Dominus, fortè Tyrannus erit.
 Occulit hircanæ gelido sub pectore Tigris
 Corda, nequit Superos hic, nec amare homines.
 Aspera barbaricis armans præcordia curis,
 Temperet in Lybriis ora ferina plagis.

CORONA XI.

37

ASpera barbaricis armans præcordia curis,
 Temperet in libycis ora ferina plagis.
 Nam pecudum melius potis est frænare Cateruas,
 Et dare Tartareis impia iura feris.
 Religione sacer, summiq; Parentis Alumnus
Volumnus, reuit, quod cupit impietas.
 Hinc, sapiens, (est certa fides) dominabitur Astris.
 Quis sapiens Princeps? qui pius, ille sapit.

CORONA XII.

HInc, sapiens, (est certa fides) dominabitur Astris.
 Quis sapiens Princeps? qui pius, ille sapit.
 Nam pietatis summa est, formidare Polorum
 Fulmina, & æterni iussa timere Patris.
 Innumeras Præses concludat pectore dotes,
 Imperet vt rectè, pareat huic melius.
 Sic benè iura viris dat *Bandinellus* Heros,
 Dogmata qui mira Numinis arte bibit.

C 3


CO-

CORONA VLTIMA.

Sic benè iura viris dat *Bandinellius* Heros,
 Dogmata qui mira Numinis arte bibit.
 Viuat Apollinea dignus circumdare lauro
 Tempora, iam pridem nostri Heliconis honos.
 Nestoreos illi Lachesis cum neuerit annos,
 Ætheris innocuo proterat Astra pede.
 Dulcisona dum Virgo reuerberat aëra voce
 Vltima, quæ laudum concinit ore melos;
 Lampade cæruleum præclufit Phœbus Olympum,
 Occuluitq; iubar, nocte regente solum.
 Viuat io, recinunt vno simul ore Camænæ,
Volumnus; foueat verna iuuenta Senem.



De



De gentilitijs Eminentissimi

BANDINELLI INSIGNIBVS,

*Per Equitem cataphractum in Orbe inclusum, signa
in cuspide lanceæ manu dextra gestantem,
Equoq; inuectum, expressis.*

Epigramma I.

De Equite Stemmatibus BANDINELLI.

Quod generosus Eques geminis calcaribus artus
Cornipedis stimulet, Martia signa gerens,
Iudice me, virtutem pectoris indicat alti,
Quàm *Volumnus* Eques cordibus occulit.
Dum potuit superare nefas, sensumq; rebellem,
Hostibus edomit, læta trophæa tulit.
Dotibus ingenuis armans, velut Ægide, mentem,
Inuidiæ insidias vicit inermis Eques.

C 4

Epi-

Epigramma 2.

Idem argumentum.

Hic cataphractus Eques, ferratis calcibus, acris
 Ilia tundit Equi, dum grauat hasta manum.
 Arduus at Sonipes tanto Sessore superbit,
 Impatensq; loci verberat vngue solum.
 Quam, *Volumne*, tuis dispar Clementia signis,
 Quæ medio in culto pectore sceptrum tenet?
 Mites ipse tenes animos, faciemq; benignam,
 Et blandus roseo sedit in ore lepos;
 Stemmata cur iactas rabidum resonantia Martem,
 Horret ut in rutila Casside fortis Eques?
 At liuore (reor) prostrato fortis iniquæ,
 Perdomito ostentas hoste Trophæa manu.
 Pertractent alij bellum Ducis arma minantis,
 Inuidiam, victor, tu finè Marte domas.



Epi-

Epigramma 3.

De Equo BANDINELLO.

Bucephalus, Pyroisue magis, vel diceris Æthon,
 Cyllarus; an potius Pegasus vngue ferax.
 Quidquid eris; magni Sessoris robora prodis;
 Hunc *Bandinelli* progenuere Patres.
 Bucephali si nomen habes; tibi fræna relaxat,
 Quem nec Pellæi sterneret ira Ducis.
 Nomina syderei si iactas Axis Equorum,
 Titanis currus qui moderetur erit.
 Forfan Amiclæi velox te fama remordet
 Alitis? hic alter Castor in Orbe nitet.
 Si tu Pegaseo vocitari nomine gaudes;
 Non deest Bellephron qui tua terga domet.
 Hinc bene *Volumni* Proavita Insignia præfers:
 Vnius innumeros fama rependit Auos.



Epigramma 4.

De Equo BANDINELLO.

Hoste triumphato, spumantibus vndiq; riuis
 Sanguineis, Marti munera soluit Equus.
 Præmia digna Deo bellorum facta regente,
 Namq; Duci palmæ gaudia carpit Equus.
 Sic tibi, magne Heros, series cum strauit Auorum
 Hostiles Cuneos, Stemmata dat Sonipes.
 Hinc palmis afsueta Cohors generosa Nepotum,
 Armigeri quamuis nescia Martis, ouat.



Epi-

Epigramma 5.

De BANDINELLO Vexillo.

Agminibus fufis, atq; Urbibus enfe subactis,
 Belligeri oftentant figna fuperba Duces.
 Euertit poftquam Gens *Bandinella* Phalangas,
 Vexillum Generi dextra tremenda dedit.
 Tarpeias alij accelerent conscendere rupes,
 Laurigeraq; comæ cingere fronde niues:
 Ornare æternis plus eft at Stemmata fignis,
 Non fua & affidua ferre Trophæa manu.



Epigramma 6.

De BANDINELLO Vexillo.

Panderet vt validæ Alcides conamina dextræ,
 Roboris exuuiæ signa Leonis erant.
Bandinella Domus, vires vt vulget Auorum,
 Vexillo Hesperijs fert monumenta plagis.
 Hercules domuit labor ardua terga ferarum;
 Sternere barbaricas hi potuere manus.
 Maius at est, homines, quam debellare Leones;
 Hinc signa hoc retulit nobiliora Genus.
 Siquè datur spoliū, prostrato Rege ferarum,
 Exuuijs alij; hi corde Leonis ouant.



Epi-

Epigramma 7.

De Orbe BANDINELLO.

Bandinellus Eques patulo præclusus in Orbe,
 Romulei fasces innuit Imperij.
 Inter Alexandros Latia qui Tertius Arci
 Præfedit, Generis furculus huius erat;
 Hostibus hic pulsus, folij mox culmina pressit;
 Arbiter hinc Orbis, Stemmatis Orbe tumet.



Epi-

Epigramma 8.

De Orbe *BANDINELLO*.

Quem tenuit Macedo dominandi dira cupido,
 Ingemuit Mundos, nec satis Orbis erat.
Bandinellus Eques triplici Diademate quamuis
 Tempora velaret, clauditur Orbe tamen.
 Pellæo hinc maior Duce, dum benè corda coerces;
 Magna regat quamuis Regna, minora cupit.



Ro-

247

Romandic Vrbes Eminentiss. BANDINELLO
obsequium præsant.

RAVENNA.

Æ Mula Romulei Tybridis, Romæq; superbæ,
Hospitium Ducibus, Principibusq; dedi.
Supplice quo vultu sum deuenerata coronas,
Ipsa tuis plantis oscula ferre paro.
Nam quod purpureo cerno fulgere Galero
Cinget (credo equidem) terna corona caput.
Tu pietate Patris veteri succurre Rauennæ,
Principe te, nullum sentiat esse iugum.



FO:

VRbs, quæ frugiferis surgit felicior agris,
 Montoni & rapidis quam fecat vnda vadis:
 Marte ferox, doctæ tum Palladis arte superba,
 Innumeros peperit, prodigiosa, Duces,
 Quæ vel Apollineæ iactant miracula Rupes,
 Hoc vno potui conglomeratione solo.
 Diuitias Natura suas hic prodigit; inde
 Luxuriant segetes; ars ibi reddit opus.
 Hic croceos cernis latè vernare colores,
 Quos creat Eois terra Sabæa plagis.
 Aurea gemmarum nobis cum munera defint,
 Nil tua par meritis Liuiæ ferre valet.
 Principi at obsequij sunt corda tributa perennis
 Vrbs fida omnigenas corde repensat opes.



QVam iuga, quā valles, ditat quam Tethyos vndis,
Quamq; Minerua vehit, Liber & ipse datis.
Hic in odoratis spumat vindemia campis,
Clauduntur patrio florea rura sinu.
Hic flauent segetes; pomis exuberat arbor,
Delicias tellus congerit in gremio.
Vrbs, *Volumne*, humili lambit vestigia vultu,
Læta supercilium deuenerata Patris.
Adspice Cæsenam, Princeps, famulamq; fidelem,
Illi frons hilaris tutus Olympus erit.



M Eccelebrant vastum ciuilia bella per Orbem
 Romulidum, prior & Cæsaris ausa tuli .
 Arma, Togæq; graues æquant mea nomina olympos,
 Me fouet æquoreis Oceanitis aquis .
 Saeva Liburnorum me dextera contudit olim;
 Ceu Phoenix, Domina sum renouata manu .
 Principe te, current meliori fusa metallo
 Sæcula, iam fines Pace regente meos .
 Hinc, *Volumine*, colo Nomen, vultusq; benignos,
 Et Famula, expecto iussa paterna tamen .



51
FORVM CORNELII.

VRbs decus Italiae, Diuorum nobile Bustum,
 Grator ò superis, terra beata, Choris.
 Contulit ista viris sacrae donaria palmae,
 Sanguinibus Proceres hic maduere Dei.
 Hic nitor ille sophum Petrus, miracula linguae
 Chrysológus fudit, fama Poli, atq; soli.
 Hos Mare, terra alios, ardor Mauortius illos;
 At fauor Aethereus me super Astra vehit.
Bandinellus amor seruet me fronte serena,
 Spirat nulla meis clarior aura plagis.
 Hac duce, tuta fruar grato telluris honore,
 Acumnas inter viuere læta potis.



FA-

ME patulæ lances iactant, patinæq; niuales,
 Vasaq; perspicuo nobiliora gelu.
 Me Toga, me Mauors æquat, me Pallas Achiuis;
 Nec Natura mihi, cruda Nouerca fuit.
 Fertile namq; solum Cereali munere abundat,
 Extitit haud nostris Liber avarus agris.
 Purpureis, *V*olumne, tuis dat basia plantis,
 Nec par seruitium Vernula ferre negat.
 Dumq; meos populos pacata lege gubernas,
 Sæcla fremant, me Orbis nulla procella premet.



AVTHORIS VOTVM.

FRonte, precor, facili, Princeps, quę, cerne, Libellus
 Aggerit, Aonijs emodulata Choris.
 Perlege factorum seriem, monumenta Parentum,
 Inuicti Generis munera, Sceptra, Duces.
 Non pretiosa Tagi, nec Iberi dona capesses;
 Vel quod in auriferis euomit Hermus aquis;
 Seũ mage Pontus alit; seũ præfodit Indus arenis;
 Queis tua se rufugit contemnerare manus.
 Carmina sudatæ iactant hic præmia palma,
 Dat meriti & certam pagina nostra fidem.
 Forsperit, heũ fati subeunt contagia Gaze,
 Sola Necis damnis fama superstes erit.




AVTHORIS VOTVM.


Ego infrascriptus de mandato adm. Reuer. Patris Magistri Fr. Angeli de Iulianis Vicarij S. Officij Cæsænæ perlegi librum adm. Reuer. Patris D. Isidori Moratini Monachi Cassinensis, cui titulus MVS ÆGENIALES, & nihil reperi, quod secundum genus lucubrationum poeticarum sit contra bonos mores, & Orthodoxam fidem, immo varijs eruditionibus refertum, typis dignum censeo. Datum Cæsænæ nonis Septembris anno salutis 1661.
Ita est Io. Hercules Canon. Raynaldus I. V. D. & S. Officij Consultor.


Imprimatur


Fr. Angelus Iulianus Sac. Theol. Magister, ac Vicarius S. Officij.











00 564666
00 5646031